

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

**Leuren, Peter**

**Coloniæ Agrippinæ, 1704**

67. An igitur neque obtineat ampliùs consuetudo in contrarium, quæ fuit  
olim ante Trid. neque nova talis induci possit post Trid defacto, aut etiam  
in hoc dispensari à Papa.

---

[urn:nbn:de:hbz:466:1-74494](#)

exequendum ministerium (qua in Hispania dicuntur præsimonia) non eger quis dispensatione, neque est turpitudo contra jus naturale, qua lethalem culpam inducat: quam Sotio doctrinam et si quoad primam partem, nimurum de non necessaria dispensatione, reprobat Hurt. loc. cit. §. 5. num. 5. et quod sit contra Trid. sess. 24. c. 17. quod Tridentini decretum Soto non videt, quia forte prior illo decreto jam scriperat; approbat tamen quoad alteram; dum dicit id sibi seclusa lege Ecclesiastica videri probatissimum; et quod licet distributor ex vi iustitiae distributiva teneatur sub mortali peccato acceptiois personarum distribuere beneficia secundum proportionem meritorum, qualitatem literarum, nobilitatis &c. si tamen distributor alicui conferat plus, quam meretur, aut indiger, is acceptando & retineendo non pecet contra jus natura, ut hoc postremum docet D. Thom. secunda secunda. q. 63. a. 2. Et exemplificat in eo, qui tenetur eligere vel providere dignorem, ita ut licet is peccet mortaliter omisso digniore, eligens vel providens minus dignum; pro visus tamen & electus accipit & retinet etiam conscientiam: cui doctrina S. thomae inheret Cajet. v. beneficium. n. 10. unde iam etiam ait idem Hurt. loc. cit. n. 3. licet nou possit quis procurare, ut sibi plura conferantur; quia concurreter ad malam distributionem; potest tamen illa acceptare, & acceptata non tenetur renunciare, sic expressius contrarium tradit idem Hurt. subresolut. 12. n. 3. ubi: purè simplicium pluralitas non est illicita jure natura, ratio enim adiquata, cur pluralitas beneficiorum habeat turpidinem contra jus natura, est residentia personalis; cuius obligatione stante nullatenus licita est jure natura pluralitas beneficiorum; nisi ex causa: & si residentia est indispensabilis, etiam pluralitas est indispensabilis; si vero illa est dispensabilis, & hac dispensabilis erit. Ad illud verò quod supra allatum ex D. Tho. quod pluralitas beneficiorum, si non cohonestetur certis circumstantiis, fit contra jus naturale, & disordinationem continet: respondet subresolut. 5. §. 8. & n. 17. mentem D. Thomae optimè expressam a Cajet. in sum. v. beneficium. n. 8. ubi is ait: mortale peccatum in hujusmodi pluralitate intervenit, quando non propter rationabilem causam obtinet quis multa beneficia incompatibilia, & unus quidem occupat locum mul torum, alii autem esuriunt; quia hujusmodi pluralitas est injusta contra aequalitatem iustitiae distributiva: neque excusat peccatum mortale propter dispensationem Papæ sine rationabili causa, quoniam dispensatio Papæ cadit super ius positivum, & non super ius divinum & naturale; pluralitas autem beneficiorum sine rationabili causa est contra jus divinum & naturale &c. Loquitur enim D. Thom. de beneficiis incompatibilibus; quia loquitur de præbendis, ut patet ex titulo illius articuli, & ex rationibus, quibus movetur, quarum prima est, non esse possibile, duabus Ecclesiis deservire; quia præbenda sunt stipendia Deo in Ecclesiis deservientibus constituta. Secunda: quia est diminutio cultus divini in Ecclesia dicendi; dum unus loco plurimum constituitur. Tertia: quia defraudatur voluntas testatorum volentium, quod est certus numerus in Ecclesia Dei deservienti. Quarta: quia est in aequalitas, dum unus beneficiis abundant, & alius nec unum habere posse &c. ob quam in aequalitatem præbenda beneficia incompatibili dicuntur, & in eorum distributione iustitiae distributiva attendatur, adeoque pluralitas ut sit contra jus natura, supponit incompatibilis.

P. Leuren, Fieri Benef. Tom. III.

tibilitatem beneficiorum, non verò eam causat. aitq; Hurt. à n. 22. se id ipsum confirmare ex SS. Canonibus; quippe in quibus solum habetur, quod sit rationi naturali contrarium, quod in eadem Ecclesia vel diversis idem clericus unus habeat plures dignitates, vel personatus, & officia exigentia affinitatem personarum; qui que loquuntur solum de præbeatis, quia ex sua significacione annexæ sunt servitio Ecclesia, & personali residentia; non verò de aliis simplicibus, ut patet ex c. ad haec de præb. & c. 1. de consuet. in 6. quippe in hoc præbenda secundum proprium usum hujus nominis (dum alias sepe cum beneficio quovis simplici confunditur) non est idem in iure, quod beneficium simplex nullum habens exercitum in Ecclesia, sed solum onus recitandi privatim horas; sed est ius percipiendi fructus in Ecclesia, cui præbendatus inservit, ut Card. in clem. ult. de præb. q. 16. Anchard. in rubr. de concess. præb. Bertachin. in repertorio. v. præbenda. n. 7. & sic D. Thomam loqui de præbendis propriis, quia non ideo sunt incompatibilis, quia pluralitas beneficiorum est jure naturali illicita; sed quia sunt incompatibilis, earum pluralitas est jure naturali illicita. ita fere Hurt. à num. 26. cumque, ut subdit idem Hurt. n. 31. alia simplicita non dentur ob exercitia publica in Ecclesiis, sed ob recitationem privatam horarum non pertinent ad iustitiam distributivam, ita ut distributor teneatur sub mortali dare secundum proportionem meritorum, ut recte Gabt. in quartum. dist. 15. q. 7. a. 3. Angel. v. elec. 10. §. 21. Petrus Nav. l. 2. d. recessit. c. 2. num. 148. qui etiam hanc dat rationem, quod ista beneficia ex natura rei non videantur esse bona communia, & decentantibus debita, ita ut nulla committit in iustitia, aut personarū acceptio, sed tota res videatur commissa Papæ & pratalis Ecclesiæ, ut ipsi arbitratu suo provideant bonos & exemplares ministros; pro quo etiam citat Diwan p. 2. tr. 15. refol. 37. Ledelin. in sum. To. 2. tr. 7. concl. 7. Garc. p. 7. c. 16. nn. 16. Guttier. qq. can. l. 2. c. 12. n. 11. & 27. Vegam &c. Et quamvis dicat Hurt. hos autores ferè loqui non tam de casu, in quo plura conferuntur uni, sed in quo, omisso digno, conferuntur digno; idem tamen eorum fundamentum fundare efficaciter hanc suam sententiam; dum ut D. Tho. secunda secunda. q. 36. objectum iustitiae distributiva est ratio debiti secundum proportionem meritorum; eo ipso autem, quod aliquid non sit bonum commune debitum decentantibus, non est contra iustitiam distributivam mortale, plura dare uni: cuius contrarium est in beneficiis residentiam requirentibus, utpote quorum fructus eti si stipendia laborum, sunt tamen etiam meritorum præmia, quibus excitantur ad studia & virtutem.

*Questio 67. An igitur neque obtineat amplius consuetudo in contrarium, que fuit olim ante Trid. neque nova talis induci possit post Trid. de facto, aut etiam in hoc dispensari à Papâ.*

1. R Epondeo: per nullam consuetudinem, aut privilegium, vel dispensationem induci posse, aut unquam potuisse, ut clericus habens unum, vel plura ad decentem ejus sustentationem sufficientia, recipiat insuper aut retineat aliud, preterquam si justa & rationabilis sub sit causa. Pith. ad Tit. de præb. n. 127. & n. 142. dicens esse

communem. Paris. l. 5. q. 6. n. 120. & quoad dispensationem papalem clarissimè Azor. p. 2. l. 6. c. 12. q. 7. & c. 11. q. 6. Castrop. de benef. tr. 13. d. 6. p. 3. §. 6. n. 26. sequitur & constat ex dictis; est enim ista consuetudo non tantum contra jura positiva, sed & contra rationem & jus naturale, ac proinde irrationalis & corruptela, non excusans a peccato. Paris. l. c. citans præter jam citatos à se C. Parisium cons. 17. n. 40. vol. 1. Socin. Juniores cons. 98. l. 3. Menoch. cons. 82. &c. Pirk. l. c. Et si Papa, quæ sunt juris divini vel naturalis, fine iusta causa remittat, ea remissio coram Deo minime subsistit, licet clericus vi talis invalidæ dispensationis immunit sit à poenis in jure statutis iis, qui plura beneficia obtinere; quia Papa in jure positivo illas poenas statuente dispensare, faltem valide, potest. Pirk. Azor. ll. cit. Hinc licet communiter contrarium servetur, ut nimurum retineantur duo vel plura beneficia, etiam quod unum sit ad victimum sufficiens, hac tamen communis observantia non excusat retinenter à mortali. ut Abb. in c. expiranda. n. 36. Hojed. cit. c. 19. n. 8. & communiter Doctores. Paris. l. 5. q. 6. n. 118. Et licet consuetudo excusat alias à poenis, ut Gl. & Abb. in c. venerabilis. de consuetud. hoc tamen ad summum intelligendum de poenis temporalibus, non autem exteris, & à Deo infligendis. Paris. l. c. n. 121. citans Abb. in c. ult. de constitut. in fine. Tiraq. tr. de penit. temperandis. c. 42. n. 4. Roman. cons. 466. &c. Et illud, quod dicitur de consuetudine servanda, etiam contra communem opinionem, procedere de consuetudine rationabili juxta communem Doctorum in c. ult. de consuetud. Paris. l. c. n. 122. porrò dicta, quod consuetudo obtinet & retinendi hujusmodi beneficia plura non excusat à mortali peccato, procedunt, tametsi talis consuetudo foret immemorialis; quia etiam consuetudo immemorialis, quæ est irrationalis, non excusat a peccato. Paris. n. 123. citans Hojed. cit. c. 9. n. 9 Card. Paris. cons. 27. n. 10. vol. 1. Cardin. in Clem. in plerique. de Elect. notab. 3. &c.

2. Unde jam sequitur, quod etiam detur, nasci posse de novo consuetudinem contra statuta à Trid. hanc tamen nasci non posse; quia est contra jus naturæ, in quo se fundare videtur Trid. Illud verum, quod, si ista turpitudine contra jus naturale fundaret solum in præsupposita lege Ecclesiastica, requirente residentiam, & pacto Ecclesia non aliter nisi sub onere residendi conferentis beneficia, posset abolitæ illæ legæ residendi per consuetudinem, & Ecclesiæ tacite cedente suo iure ex tal pacto quarendo, etiam modò prævalere consuetudo habendi plura, quam unum sufficiens; sed & præscindendo jam à jure naturali, contra quod est ista pluralitas talium beneficiorum, si quæ in contrarium contra antiquos Canones ante Trid. inducta consuetudo (quæ, ut Azor. p. 2. l. 3. c. 9. q. 3. fundabatur in alia consuetudine sublativa residentiæ jam priùs inducta contra antiquiores Canones, beneficiis etiam simplicibus omnino residentiam imponentes) posito etiam hanc consuetudinem fuisse legitimam, hæc penitus cum sententia illa Innocentii est sublata per Trid. Garc. l. c. n. 279. (qui etiam n. seq. illud decretum Tridentini extendit ad beneficia juris patronatū, non obstante quādam declaratione Cardinal. S. Congreg. sic habente: hoc decretum non comprehendit beneficia juris patronatū: quam vel mendosam ait, vel intelligandam de beneficiis juris patrona-

tus, quæ ex fundatione possunt simul cum aliis retineri.) & n. 270. ubi postquam præmisster: hodiendum hac sententia (nempe prima) probatur per Trid. subjungit: & communis observantia & consuetudo contraria non valent, nec excusat retinenter plura beneficia, quorum unum est sufficiens, à mortali. Pro quo citat Abbas. Hojed. Lopes.

3. Contrarium nihilominus sententiam conformiter à se dictis suprà tenet Hurt. de resid. l. 6. resol. 6. subresol. 10. n. 1. hisce expressis: Post consuetudine fieri, quod quis habeat plura beneficia simplicia, etiam si quodlibet sit sufficiens ad congruam sustentationem. Citat pro hoc loco Aragon 22. q. 63. a. 2. concl. 3. Tusch. Ledesma. Ferret. Rebuff. ubi supra, quasi. nimurum præcedente. Et Azor. p. 2. l. 3. c. 1. q. 18. (ubi tamen is nihil de sufficiencia unius, & plus non dicit, quam quod consuetudine ante Trid. alicubi introductum erat, ut quis in eadem Ecclesia dignitatem simul & Canonicum habet. Idem habet l. 6. c. 11. q. 1. de quo nos infra) Florian. Capra. &c. ac dicit, id constare ex c. cùm de te. de resip. & c. cùm in Ecclesia. de preb. in 6. Recitat etiam pro hoc Resipotum S. Congreg. Concilii, quo in hac verba querenti Archiepiscopo Valentino, an, quando Canonicus ex illius probenda honeste sustentari potest, pro sui gradus qualitate, licet ibi eidem Canonico aliquam ex huic modi dignitatis conferre, cùm ex antiquissima & immemoriali consuetudine absque dispensatione apostolica consuerant illius dignitates Canonicus ejusdem Ecclesia tam apostolica quam ordinaria potestate conferriri, idque licet fieri posse per S. Congregationem declaratum fuit. &c. Respondit S. Congregatio in hac verba: S. Congregatio censuit consuetudini permittentem, ut in eadem Ecclesia dignitas cum Canonico per eundem obtrineri & retineri possit, non censi derogatum ex decreto Trid. c. 17. sess. 24. ubi disponitur; habenti beneficium competens non posse confervi alterum &c. ex quo evidenter deduci ait, n. 4. Hurt. quod obtinere plura beneficia simplicia non sit contrarium juri naturæ; quia alias talis consuetude foret irrationalis; sed folia dispensatione Pontificis talē tutum fore in conscientia. Addit etiam n. 5. id manifestè colligi ex eo, quod Trid. l. c. decernens, quod uni non habenti sufficiens, non detur nisi unicum aliud sufficiens, non sit receptum in Hispania, ubi post illud sicut antea Ordinarii communiter contulerunt, & conferunt plura beneficia, etiam ultra duo uni, etiam dum unum est sufficiens ad congruam sustentationem, & simul retinent. Quia & ut ait n. 6. idem fiat in ipsa Curia, dum Pontifices narranti plura beneficia simplicia (nisi forte narretur nimis magna multitudo) solent alia concedere, nec apponitur decretum de demittendo. Neque etiam presumendum sit, ut ait n. 10. de tot doctissimis, vigilantissimis, piissimisque pontificibus id facere, si esset contra jus naturæ, aut decreto Trid. Ac denique subdit verba Garcia, quæ is habet p. 11. c. 5. n. 332. Unde videtur posse probabiliter dici opinionem Innocentii, de qua supra, quam consuetudo antiquissima approbat, etiam hodie posse procedere, etiam in foro conscientia non obstante decreto Trid. c. 17. &c.

4. Porrò illud hic notandum, quod plerique auctores tenent hanc sententiam, nimurum posse ex consuetudine licite teneri plura etiam sufficientia ad honestam sustentationem, non teneant id ita absolute, quasi id fieri possit sine omni justa causa; sed tunc demum, ubi est iusta aliqua

aliqua causa, quod omnes admittunt; nimurum posse per consuetudinem induci, ut quis plura habeat, quorum singula vel plura sufficiunt ad honestam sustentationem, etiam desumendo sufficietiam ab ipsa persona provisi, ubi adest justa causa. Vide Pirk. l. c. n. 142.

**Questio 68.** An, & quando, procedente etiam secunda sententia de pluralitate beneficiorum, sufficientium ad congruam sustentationem non illicita, saltem iure naturae, adhuc tamen eorum coacervatio, seu nimia multitudo sit illicita, etiam jure naturae?

**R**espondeo ad primum: Beneficiorum etiam omnino simplicium (intellige, dum singula vel eorum plura sufficiunt ad honestam sustentationem) coacervatio & exorbitans distributio uni persona tali juri naturali repugnans damatur. Hurt. l. c. n. 36. tam juxta D. Thom. quam Cajet. II. citr. quia oritur ex avaritia, & cupiditate, & appetitu lauti vivendi, & ambitione majoris dignitatis, ut videre est ex verbis Trid. sess. 24. & 17. ex quibus etiam constat, Concilium manifesto loqui etiam de his beneficiis omnino simplicibus. Et hoc coacervatio generat scandalum in Ecclesia; quare semper, nisi subtilis ratio evançans hanc ceterasque malitias, perseverat illicita. Hurt. l. c. Idem, nimurum, quod nimia istorum beneficiorum multitudo prohibita sit jure naturali & canonico, testiunt Jo. Andr. in c. Andum. de Elec. Benedictus Capra. tr. de reg. & fallent. reg. 90. n. 135. Hojed. p. 1. c. 21. n. 1. quos citat Hurt. n. 37.

2. Respondeo ad secundum: Quanta autem esse debeat pluralitas, ut in coacervationem talem illicitam declinet, quantum quod forum conscientia, prudentum judicio; quantum verò ad forum externum, judicis arbitrio, relinquendum. Hurt. n. 40. citans pro hoc Hojed. cit. c. 21. n. 14. & 15. Illud, quod tradi ab Azor p. 2. l. 6. c. 12. q. 8. ait Hurt. subresol. 4. n. 5. immodicam beneficiorum multititudinem, ut peccetur per hoc contra jus naturae, censeri, si deatur ultra decem; secus si infra decem ultra congruam; & ideo peccare Papam dando uni decem, quorum quolibet sufficiens est ad sustentationem beneficiari, id, inquam, disciplere ait Filiuc. 10. 3. 11. 41. c. 7. n. 40. & meritò. Verùm id non trudit Azor ibidem, sed solum dicit, in hoc convenire omnes, decem beneficiorum multititudinem immodicam esse, ed quod, dum leges & jura loquuntur de tempore vel numero, multum & longum consueverunt appellare decennium. Quiniod Azor ipse de suo ibi dicit, nullam exigitatem postulare, ut quis decem vel octo simul beneficia possideat; quod verò tradit Hojed. l. c. n. 13. runc demum dictam multititudinem simplicium fore contra jus naturae, quando ea tanta est, ut sufficere possit ad sustentationem duorum vel trium; meritò displaceit Hurt. loc. cit. subresol. 13. n. 4. & seq. tanquam nimium constringens, &c. ut ait, sanguinem conscientiarum emungens, dum tertiis non possent in conscientia, qui possident plura, etiam pinguis, beneficia, quorum etiam quolibet est sufficiens ad clericos honeste sustentandos; proindeq; miser est et status clericorum literatorum, nobilium, principum, quibus Papa plura talia concedit simplicia, & quibus talia dari concedit Extray. excrabilis, &c. de

multa. Unde etiam incompatibilitas illa & pluralitas hac nimia beneficiorum est desumenda in ordine ad congruam sustentationem, non est attendenda congrua seu sufficientia eorum, qui alias talia beneficia habere possunt, & ex iis sustentari congrue; sed congrua sustentatio persona provisa illis pluribus beneficiis, num eā ratione suarum qualitatum egeat tot beneficiis ad sūi congruam sustentationem; et si de cetero quilibet eorum posset clericus inferioris sortis sustentari. Hurt. subresol. illa 13. n. 7.

**Questio 69.** An, si quis habeat duo beneficia, quorum quolibet de se non est sufficientis, & postea contingat eorum unum fieri sufficientis, possit illa adhuc simul retinere, stante decreto Tridentini?

**R**esponderet Garc. p. 11. c. 5. n. 319. videri dicendum, quod non possit ea retinere; sed debet unum ex iis dimittere ad tradita in simili per Hojed. p. 1. c. 13. n. 57.

**Questio 70.** An, que hucusque dicta sunt de beneficiis, locum etiam habeant in pensionibus (puta Clericalibus) que nimurum Clerico, ut commodius sustentari possit, ex fructibus beneficij assignantur ad instar beneficii, seu loco beneficij, ut Garc. p. 1. c. 5. n. 170. Hurt. de resid. l. 6. retol. 6. subresolut. II. n. 7.

**R**espondeo affirmativè: Hurt. l. c. n. 54. ubi, quod de pluralitate pensionum eodem modo loquendum, ac de pluralitate beneficiorum simplicium nullam requirentium residentiam: unde ait conformiter suis principiis, sicut jure naturae licita est pluralitas beneficiorum, sic etiam pluralitas pensionum; & sicut dictum de nimia coacervatione beneficiorum, sic etiam de nimia coacervatione pensionum dicendum, sive hæc computentur inter se, sive cum aliis quibuscumque beneficiis. Ac denique sicut pluralitas beneficiorum simplicium, quando congruam excedunt, jure positivo humano est reprobata; ita etiam pluralitas pensionum. Tametsi autem Azor p. 2. l. 8. c. 12. q. 7. dicat, non esse ex omni parte parum rationem de pensionibus, quæ est de beneficiis; cum quedam sint beneficia, quæ jura & canones incompatibilia vocant, in illis verò nullæ pensiones jure communi incompatibles dicuntur; addit tamen, quod sicut repugnat juri naturae, habere plura beneficia, dum unum sufficiens; ita quoque eidem juri naturae repugnare, unum simul habere plures pensiones, dum earum una sufficit ejus vita commode sustentanda: & sicut uni possunt assignari plura beneficia, ita etiam plures pensiones, nisi una, vel etiam plures ex iis de se sufficientes essent de ejus merita in Ecclesiam, nobilitatem, literaturam, &c. Idem tenet Hojed. de incomp. p. 1. c. 21. n. 12. Vsq. opus. de benef. c. 2. §. 3. dub. 11. citati ab Hurt. ubi supra n. 1. de cetero ait Azor l. c. q. 6. non esse interdictum jure communi, ut cum beneficio pensionem obtineat beneficiatus; sicut jure communi vetitum beneficiario, ne cum uno beneficio simul alterum habeat. Idem tradit quod hoc Garc. p. 11. c. 5. n. 304. nimurum illud Concilii decretum sess. 24. c. 17. non habere